

Kitoktô ê Chūiû

5 Ûi tiòh beh hō lán tit tiòh chūiû, Kitok íkeng kā lán tháupàng. Sói, lín tiòh khiā hō chāi, m̄ thang koh hō lāng sokpák, chiāⁿchò lōiē.

Siū Katlé ê Chenglūn

2 Góa Páulô kā lín kóng, lín tiòh chùi thiaⁿ: Lín nā beh siū katlé, Kitok tùi lín tòh lóng bô līek. 3 Góa kohchài kiōngtiāu chít pái: Múi chítê siū katlé ê lāng lóng tiòh chunsiú sōū ê lúthoat. 4 Lín chiahê siūⁿ beh khò lúthoat chhenggī ê lāng, tòh sī kah Kitok toānchoat koanhē, koh kīchoat SiōngChú ê intián. 5 Inūi lán óakhò Sènglêng, thongkòe sìnsim, jiatchhiat teh thèngghau lán só òngbāng ê konggī. 6 Inūi tī Kitok lésu nìh, ū siū katlé á sī bô siū katlé lóng bô iàukín, iàukín ê sī tùi thiāⁿsim só piáuhiān chhut.lâi ê sìnsim.

7 Lín ithiòng lóng chò liáu chin hó! Tàuté sī siáⁿ lāng kā lín chótòng, hō lín bô beh koh sūnchiòng chinlī? 8 Chit chióng khoaniú tongjiân m̄ sī lâichū hit ūi hōtiâu lín ê SiōngChú. 9 Siókí kóng, "tāmpòh'á kàⁿbó ē hō kui sng mīhúnchhè hoat khí lâi. 10 Tī Chú lāibīn, góa chhimsìn lín kah góa ê siūⁿhoat bē ū bô kàng. Hiahê teh jiáuloān lín ê lāng, bôlūn sī siáⁿ, lóng ē siū tiòh SiōngChú chekhoat.

11 Hiaⁿtī chímōe, góa nā iáu koh teh thoānkáng katlé, góa ná ē iáu koh teh siū pekhāi? Góa nā chinchiāⁿ áne chò, soaniòng Kitok ê sǐpjìkè chá tòh bē siū tiòh chógāi. 12 Hiahê teh kā lín jiáuloān ê lāng, goān in ē kā kakī iam khí lâi.

13 Hiaⁿtī chímōe, SiōngChú hōtiâu lín, sī beh hō lín tit tiòh chūiû, m̄ koh lín m̄ thang hō lín ê chūiû chiāⁿchò hòngchiòng jiókthé suiók ê kihōe, khiok tiòh iōng thiāⁿsim lâi hōsiōng hók sāi. 14 Inūi choānpō ē lúthoat lóng pauhām tī "thiāⁿ chhùpiⁿ chhinchhiūⁿ kakī" chit tiâu kàibēng lāibīn. 15 Lín tiòh kínsīn, lín nā chhinchhiūⁿ khîmsiù siokā siothun, khióngkiaⁿ lín ē hōsiōng hō tuihong chāubiát.

基督徒 ê 自由

5 為 tiòh beh hō 咱得 tiòh 自由，基督已經 kā 咱 tháu 放。所以，lín tiòh khiā hō 在，m̄ thang koh hō 人束縛，成做奴隸。

受割禮 ê 爭論

2 我保羅 kā lín 講，lín tiòh 注意聽：Lín 若 beh 受割禮，基督對 lín tòh lóng 無利益。3 我 koh 再強調一 pái：每一個受割禮 ê 人 lóng tiòh 遵守所有 ê 律法。4 Lín chiahê 想 beh 靠律法稱義 ê 人，tòh 是 kah 基督斷絕關係，koh 拒絕上主 ê 恩典。5 因為咱 óa 靠聖靈，通過信心，熱切 teh thèng 候咱所 òng 望 ê 公義。6 因為 tī 基督耶穌裡，有受割禮 á 是無受割禮 lóng 無要緊，要緊 ê 是 tùi 疼心所表現出來 ê 信心。

7 Lín 一向 lóng 做了真好！到底是啥人 kā lín 阻擋，hō lín 無 beh koh 順從真理？8 Chit 種勸誘當然 m̄ 是來自 hit 位呼召 lín ê 上主。9 俗語講：「淡薄 á 酵母 ē hō kui sng 麵粉糲發起來。」10 Tī 主內面，我深信 lín kah 我 ê 想法 bē 有無全。Hiahê teh 擾亂 lín ê 人，無論是啥，lóng ē 受 tiòh 上主責罰。

11 兄弟姊妹，我若 iáu koh teh 傳講割禮，我 ná ē iáu koh teh 受迫害？我若真正 áne 做，宣揚基督 ê 十字架早 tòh bē 受 tiòh 阻礙。12 Hiahê teh kā lín 擾亂 ê 人，願 in ē kā kakī 鬧起來。

13 兄弟姊妹，上主呼召 lín，是 beh hō lín 得 tiòh 自由，m̄ koh lín m̄ thang hō lín ê 自由成做放縱肉體私慾 ê 機會，卻 tiòh 用疼心來互相服事。14 因為全部 ê 律法 lóng 包含 tī 「疼厝邊親像 kakī」chit 條誡命內面。15 Lín tiòh 謹慎，lín 若親像禽獸相咬相吞，恐驚 lín ē 互相 hō 對方剿滅。

Nng Chióng Bô Kâng ê Sengoáh Hongsek

16 Góa ê ìsù sī: Lín tiòh chiàu Sènglêng ê ínhhōa sengoáh, choattùi m̄ thang boánchiok kakī jiòkthé ê suiòk. 17 Inūi jiòkthé ê suiòk kah Sènglêng hōsiong tùikhòng, píchhú tùilíp, tìsú lín bē tàng chiàu kakī sǒ lài ê khì chò. 18 M̄ koh, lín nā hō Sènglêng ínhhōa, lín tòh m̄ bián siū lúthoat khòngchè.

19 Jiòkthé suiòk ê hêngûi sī chin bênghián ê, in tòh sī kanîm, ùe, hōⁿsek, 20 pài ngósiōng, kiâⁿ siásút, siūhūn, huncheng, oàntò, siūkhì, kēngcheng, hunphài, itoan, 21 chittò, chiúchui, iànlok, íkip kitha lūisū ê pháiⁿ hêngûi. Góa íchêng bat kā lín kékò kòe, chit má beh koh kā lín kékò chit pái: Kiànnā chò chit khoán tāichì ê lâng, bē tàng sêngchiap SiōngChú ê koktō.

22 M̄ koh, Sènglêng sǒ kiát ê kóechí sī: jînai, hílok, hôpêng, jímnāi, chūpi, siānliong, tióngsit, 23 unjiú kah chúnchat. Chiahê hêngûi bô jīmhô lúthoat ē kìmchí. 24 Hiahê siòk Kitok Iésu ê lâng, in íkeng kā in ê jiòkthé kah chēngiok lóng chòhóe tēngsí tī sípĵkè téng. 25 Kijian lán óakhò Sènglêng teh oáh, lán mā tiòh óakhò Sènglêng ê ínhhōa lâi kiâⁿtáh. 26 Lán m̄ thang chūko, mā m̄ thang hōsiong kekkihì, hōsiōng oàntò.

兩種無全 ê 生活方式

16 我 ê 意思是：Lín tiòh 照聖靈 ê 引 chhōa 生活，絕對 m̄ thang 滿足 kakī 肉體 ê 私慾。 17 因為肉體 ê 私慾 kah 聖靈互相對抗，彼此對立，致使 lín bē tàng 照 kakī 所意愛 ê 去做。 18 M̄ koh, lín 若 hō 聖靈引 chhōa, lín tòh m̄ 免受律法控制。

19 肉體私慾 ê 行為是真明顯 ê, in tòh 是姦淫、污穢、好色、 20 拜偶像、行邪術、仇恨、紛爭、怨妒、受氣、競爭、分派、異端、 21 嫉妒、酒醉、宴樂，以及其他類似 ê pháiⁿ 行為。我以前 bat kā lín 警告過，chit má beh koh kā lín 警告一 pái：見若做 chit 款 tāichì ê 人，bē tàng 承接上主 ê 國度。

22 M̄ koh, 聖靈所結 ê 果子是：仁愛、喜樂、和平、忍耐、慈悲、善良、忠實、 23 溫柔 kah 擲節。Chiahê 行為無任何律法 ē 禁止。 24 Hiahê 屬基督耶穌 ê 人，in 已經 kā in ê 肉體 kah 情慾 lóng 做伙釘死 tī 十字架頂。 25 既然咱 óa 靠聖靈 teh 活，咱 mā tiòh óa 靠聖靈 ê 引 chhōa 來行踏。 26 咱 m̄ thang 自高，mā m̄ thang 互相激氣，互相怨妒。